

DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,*

QUOD LIBETARIIS DISPUTATIONIBUS

manè discutienda in Scholis Medicorum, die Jovis decimâ - octavâ
mensis Februarii, anno Domini M. DCC. LXXIII.

M. CAROLO-JACOBO SAILLANT,

Doctore Medico, Præside.

An Actio sine spiritu?



TA natura in opere est, ut ab agendo desinat tantum, cum esse desinit: nam cum corpus nostrum in perpetuo quodam fluxu positum sit, conservari non potest, nisi continuè succedentium sibi auxiliorum propagatione firmetur. Hinc partes omnes sic inter se aptæ & connexæ sunt, ut sibi invicem congruant & nulla à communi utilitate recedat. Quod enim in civitate bene constitutâ contingit, penes quamvis imperii auctoritas; aliæ velut adhibitæ comites & ministræ, quarum operâ partium principum beneficium latius extenditur; quædam tantum privatæ; omnes inter se omnium rerum societate conunguntur. Cor, cerebrum & hepar principem locum tenent; Hepar sanguinem, hoc est materiam vitæ; cor vitam ipsam suppeditat; à cerebro omnis sensuum diversitas & motuum proficiscitur; itâ sensus & motus conjuncti origine, necessitate pares, impendentes casus arcent & vitam tuerentur adversus periculum præsens: neque enim potuisset vitari quod non sentiretur, frustra vero sentiri contingeret, quod immoto animante de linari non posset; at cum corpus non tantum in offensiones externas incurrat, sed internis etiam injuriis obnoxium sit & in se habeat unde ægrotet, collectis superfluitatibus facile obrueretur, nisi ipso sensu acerbitalis & molestiæ ad deponendum onus excitaretur; unde crebra nervorum toto corpore pertinentium implicatio, ut proinde sensus omnis tam à cerebro sit, quam à corde omnis calor. Cum enim nulla pars vitæ fruens omnis caloris experts haberi possit, nulla etiam est quæ sibi sit origo caloris; caro quidem non sine calore est, sed quem ab arteriis acciperit; calorem arteriæ & spiritum in omnes corporis partes deducunt, sed beneficium cordis, non suo Cor vitæ fons & caloris velut domicilium. Ultimum moritur & primum vivit. Ad mortem illi satis est non moveri. Nisi excellenti sanitate fruatur, non bene valere putandum est. Cum enim aliæ partes mediocritate quadam caloris contentæ sint, cor frigidum est, si non ferveat. Neque vero privatim ægrotat; proprium illius vitium sit corporis morbus; & quidvis in eo sive ad exitum valet, sive ad vitam, corpus mox sentit universum. Quamvis autem aliis partibus ea quæ ad vitam necessaria sunt subministrat, non tamen à se ipso sumit unde nutriatur, sed alimento alieno indiget. Sanguinem quidem pulmōni suppeditat; at quia solidiorem exigit, habet à venis. Ipsa quoque cordis conservatio non minus pendet ab externi aeris præsidio, quam à corde salus aliarum partium. Aer vero non recens & ut haustus est in intimos cordis sensus ingeritur, sed convenienti prius morâ, in pulmonum anfractibus deponit quod erat cordi nociturum, accommodaturque naturæ ut illius operi aptus sit & idoneus. Nihil enim statim prodest & quidquid immaturam utilitatem assertit, in damnum vertitur.

* Auctore M. HAMON, anno 1659.



PARTIUM corporis cognitio *διολογίας ἀκριβοῦς ἀρχή*. Nisi inter se consentirent & mutuum sibi præstarent operam, non unum in unoquoque animanti corpus esset, sed multiplex actionum & affectionum necessaria societas, facit unum; partes enim quæ vel præcipuæ videri possunt, egent aliarum consortio; quo si privari contingat inutiles sunt; nec sola igitur pars esse potest in agendo, nec sola in patiendo; nulla sibi tantum agit, ut nulla sibi patitur tantum, sed communicatis invicem utilitatibus & damnis, infinita quæ am oritur *συμπαθεία*: eodem enim omnes calore vivunt: eodem spiritus sentiunt & moventur; omnibus bene & male valendi causæ communes. Alimenti in naturam transcurrentis nulla pars vivit, antequam connectatur corpori. Nulla pars corporis vivit, postquam amputata est. Nulla suo munere fungitur, quæ cum reliquis non consentiat. Si vel minima pars desit, corpus non est integrum: non est sanum, si vel una ægra sit. Mira omnium copulatio, contentiens & conspirans omnium cognitio. Hoc tantum dolorem infert corpori, quod solvit compagem partium: non dolent nisi unde dividuntur. Quò pars nobilior eò facilius aliarum dolore tangitur: in morbo totius, quæ non afficitur pejus ægrotat. Quod ægrum est in corpore, per aliud restituitur quod sanum est: unde nulla homini spes qui totus ægrotat. Nulla pars curatur sola. Ut oculo prospiciamus, capiti consulendum est; ut caput curetur, instituenda totius corporis curatio: nam partis exiguum levamentum membrorum sanguis funditur & privata plenitudo communi iusturâ veniarum omnium emendatur. In mutuâ hac agendi patiendique communione naturæ vertitur. Etiam quæ ob diversitatem officiorum naturâ magis disuncta videri poterant, artio societatis vinculo conjunguntur. Aliquid nervorum subtili minutissimarum fibrarum contextu arteriis inest. Cordi cerebrum sicut reliquo corpori nervos largitur; cor cerebro arterias transmittit, quod firmissimum genus est societatis, quæ dandi accipiendique communi necessitate astringitur. Quædam verò partes ferè tantum aliarum causâ videntur constitutæ, nulla tantum in gratiam suâ: ventriculus laborat universo corpori, & malè est illi cum otiosus est, cessatione suâ (quæ mortem inferre potest si diuturna sit) prior: ipse corrumpitur, nunquam sibi utilior, quam cum aliis maxime prodest: aliis semper inutilis, cum ipse non valet; alimentum enim sanum & utile aliis partibus præstare non potest, pars quæ ipsa ægra sit. Eadem partium ratio quarum usus communis totum corpus spectat: interjectæ vero carnes & quæ sibi magis vacant, confecto alienis impensis alimento fruuntur ad vitam: quod unicuique magis aptum assumitur; ut illi adhæreat. adhæret, ut elaboretur perfectius, elaboratur, ut totum toti respondeat, & perfectæ similitudo quantum fieri potest, adjungatur: si quid naturam non induit, ne sit oneri, expellitur. In alimento enim vel utilissimo inest semper aliquid quod non est alimentum, nullumque quod omni ex parte nutriat *τροφή ἢ τροφή*. Ideoque pars assumitur, pars relinquitur. Hoc opus quorumcumque partium omnium alio opere carentium: sic partes nutriuntur & crescent, sic adultis viribus corpus robustum consumatur, ut jam generationi possit esse idoneum: quod etiam valet in plantis, quæ tum ferunt semen cum in suo genere perfectæ sunt.

111.

QUIDQUID nobilius in corpore, intus est; & quod magis præcipuum est, magis latet. Viscera naturæ providentia occultavit: spiritus in penetralibus sunt; arteriæ vasis subijciuntur. minus securæ si emerent: duplex illis membrana, ut vitalis spiritus qui facillè evanesceret, nisi firmitus contineretur, operi suo servetur integer; motum cordis sequuntur prout fert natura originis & pulsationes edunt, quæ sine periculo non intermittuntur distinctis quidem sed paribus conjunctas intervallis; ut enim cor sine motu, ita & sine quiete esse non potest. Sanguis subtilissimus in omnes corporis partes arteriis ministrantibus deducitur, ut nulla sit quæ cordis beneficio careat, cujus præsentiam exhibent adjecto spiritu: si desinat influere, qui antea influxerat non sufficere: sustentandæ naturæ auxilium semper præsens requiritur: cum enim sanguini nullum inest principium motus, per se nullam vitam partem tribuere potest animantibus, nisi aliunde perficiatur: neque verò ipse per se ad partes remotas appelleret, calore orbat & spiritu: neque jam intrâ partes ipsas conclusus ad vitam assumeretur, nisi fovente spiritu. Cum enim calore illo tam necessario, & spiritu privatus est, quocumque pervaserit, præsens infert exitium & habet veneni vim. Quin partes ipsæ eodem destitutæ præsidio collabuntur & emarcescunt: tantum abest u

nutriantur & crescant: nullum ergò sine calore alimentum vel leviter immutari potest, ne-
dum perfici. Ut vel optimi cibi nobis utiles esse possint, intus concoquendi sunt: quod absque
calore & spiritu fieri nullo pacto potest. Sum enim magna eorum vis elucet præcipue, cum
aliquid priori naturâ spoliandum est, ut aliam induat: quamobrem non solum ventriculus
suis ipsæ arteriis constat, sed vicinarum partium undequaque incumbentium, quarum nulla
arteriis caret, ampliori calore fovetur: nec aliam ob causam lien ipse quam plurimas pro
sui magnitudine arterias nactus est, nisi ut facem sanguinis cuius receptaculum est, purga-
tis spiritu abundantiori sordibus, in perfectius alimentum converteret. Unde merito vis hæc
naturæ censeri potest. sine quâ ne quidem natura sit. Spiritum enim hunc supplere nihil va-
let, & frustra quidvis aliud non deest, quando ipse defuerit: si quid interdum in corpore
sit calore illo potentiùs, ut ab eo proinde superari non queat; id ægrum & morbi causa fiet,
si non occurrat: sanum enim tantum quod à calore vincitur & intra naturæ ordinem re-
tineri potest. Quò verò longius à corde receditur, calorem necesse est infirmiores fieri,
langueretque tandem nisi in cor ipsum advectus vim fumeret in loco originis. Cum enim
venæ postquam arteriarum fines ultimasque velut oras attigerint, communi aditu inter se
pateant. hinc fit ut sanguis illas fauces & angustias prætervectus, per venas iterum fluat, sed
lento motu & non præcipiti. Non carent venæ spiritu, sed is infirmior & qui potentiori indi-
geat, sufficit tamen ad aliquem motum, quo sanguis privari non potest, nisi putrescat.

IV.

NEC spiritus in corpore sine calore est, nec calor sine spiritu: sed cum non uno ge-
neris actionum vita nostra contineri possit, idè spiritus triplex. Qui sensum & mo-
tum impertit, in eas corporis partes deferitur quas sentire & moveri oportuit. Non enim
omnium est sensus. Quoddam tantum ad firmamentum aliarum & securitatem constituisse vi-
detur natura, quæ sapies collectis humoribus implentur, quò nihil redundet in aliis; nihil
hæc sentiunt, sed impotentia sui: ossa firmitate non sentiunt. Cum enim tanquam funda-
mentum subsanciant corpori, ejusque molem sustineant, non sentire, pars illis est sanita-
tis. Impertienti spiritus non eadem mensura aut quæ inoli partium respondeat, sed instituto
naturæ. Non magnus nervus tribuitur interdum maioribus musculis, cum oculi valde exi-
gui multorum spirituum luce splendent. Vehementiorum frequentiorumque motionum ne-
cessitas majores nervos & copiosiores spiritum obtinuit: omnis motus qui ab eo non pro-
fectus sit, morbus est qui plus habeat periculi quo vehementior sit. Oculi hic spiritus ex-
plorari non potest, *hæc enim prædicta & dicitur*. Nec sentitur, cum non ipse sensum in corpore
perficiat: ita per nervos deferitur ut patientiores ductus non requirat, quia subtilitati tantæ
nihil clauditur. Si quid tamen alienum interponatur quod penetrari omnino non queat, in
valentioribus quoque membris labefactabitur motus: sentire enim quam moveri facilius &
motus abundantiores spiritum desiderat. Si verò spiritui nullus pateat aditus, etiam sensus
amittitur. Spiritus valentiores servantur cerebro actionibusque perfectionum sensum, qui
proit variis sunt diversisque constant organis, idem spiritus mi græ quidem sed convenien-
tissimæ dissimilitudinis artifex, dissantissimas edit actiones: quicquid verò in spiritu splen-
didus non exit in sensum, sed intus memoriæ & rationi inservit, cuius vim in corpore mo-
dumque omnem ut & alias naturæ latebras qui se omnino percepisse credit non satis intelli-
gere idetur quanta sit Dei creantis sapientia, aut quanta dubitantis hominis infirmitas.
Quamvis autem stare spiritus non possit, omni tamen violento motu & alieno offenditur.
Hinc cerebri quies sapientiæ idonea, cum naturalis ille sed incognitus pulcherrimarum mo-
tionum ordo, nec calore nimio impellitur, nec frigore retardatur, nec humoris abundantia
sistitur & velut in luto hæret, nec obscuratur vaporum fumo & caligine, aut nimia exter-
narum specierum efficaciam avocatur.

V.

UNIUS CUJUSQUE motus in corpore unum tantum principium est: hinc cum om-
nes etiam animantes aliquam partem duplicem habeant, nulla est cui cor geminum sit
aut duplex caput. Utrinam tribuendus sit principatus inanis quæstio est: cor a iarum partium
ministrum magis quam regem dixerim. Sola in corpore dominatur utilitas. Nec cor cerebro
subjicitur, nec cerebrum cordi: aut, quod verius, sibi invicem subjiciuntur & utrumque
pendet ab altero, licet in suâ cujusque provinciâ vis absoluta sit: inest tamen cordi majus

momentum ad vitam : eadem spirituum ratio quorum sunt certi definitique limites. Omnes tamen ad generationem concurrunt, quorum in hoc opere præcipua laus est. Actio hæc non animæ sibi paranti domicilium, sed spiritui generanti tribuenda est : qui non minis magni operis initium, primosque exortus quam progressum & finem sibi vindicat. Ut enim sine spiritu conservari non potest, sic neque formari. His rudimentis naturæ & velut incunabulis, omnis consequentium ætatum valetudo connectitur, neque enim emendari principia possunt, ut quod ad sanitatem spectat, corpus quodam modo hic esse incipiat, quicquid postea futurum est : aer verò, postquam in lucem editum est, non parce aut per alienas ingeritur arterias, sed abundantior & velut ex fonte, cor recreaturus intronititur, incipitque aperta jam & non cessatura respiratio : sic spiritus omnes vitæ partes complectitur, actionum omnium author & velut princeps, vitæ initium & finis. Mentitur quidem spiritum flatus, sed facillè disjunguntur. Spiritus origo virium, flatus : causam in se doloris continet. Non crescit pars dùm intumescit, sed proprii morbo est, *in ἀδύνηματος ἀλλ' οἱ δὲ νηματος*. At quantacumque sit copia spirituum, ab iis impletur membrum non attollitur : flatus separare potest quæ conjuncta sunt, spiritus partes etiam naturâ disjungas inter se conjungit, mutæ societatis vinculum, fons & origo *συμπάσις*. Nullâ re magis impediuntur spiritus quam plenitudine : cùm enim humorum copia spatium omne impleverit, penurâ loci excluduntur, sed damno sanguinis, qui cum solus est vitium concipit, naturæ non amplius subsidium, sed onus atque perniciës. Motu excitantur, ocio torpescunt, immodico labore exhauriuntur quem gravitas sequitur totius corporis : quandiu enim ab iis sustinetur, nulla infirmatur lassitudine, cum sibi relinquatur, onus suum sentit, quod ferre non potest. Nisi tamen adsit morbus, hæc ipsa lassitudo somnum conciliat, spiritui reparando imprimis idoneum. Illius conservationi nihil opportunâ quiete utilius : frustra verò quiescunt membra, non sedato animi impetu variisque perturbationibus, quibus omnis spirituum harmonia evertitur. Præter quietem corporis necesse est, *ἰσὺ νουχινεῖ χιν*, lectu & mœnore contrahuntur, diffunduntur gaudio, sed immodicâ voluptate tota eorum vis solvitur : nocet illis quicquid nimium est aut alienum à naturâ corporis. Vitam calor & spiritus constituit, vires utriusque abundantia & perfectio : quandiu valent, incorrupta sanitas est. Si damnum patiantur, labefactantur vires, quarum remissio patet aditum omnibus morbis. Corde enim optimè constituto, si caloris robor insit & vigeat spiritus, fieri non potest ut moriatur animal, nec rursus fieri potest ut vivat, si omnino violentur. Denique cum accenduntur spiritus febris est : cum inficiuntur, pestis : cum dissipantur, syncope, cùm interceptiuntur, *παράδοσις ἀπὸ πνεύματος* : cùm immuuntur, languor animi & corporis : cùm extinguuntur, interitus. In actionum infirmitate via quædam ad mortem sternitur, sed omni actione privari, ipsa mors est.

Non ergò actio sine spiritu.

DOMINI DOCTORES DISPUTATURI.

M. Carolus-Jacobus SAILLANT,
aâles Praefes.

M. Jacobus-Francisus DE VILLIERS, Antiquus Regis Exercituum Medicus in Germaniâ, Regiæ Scholæ Pæterenariæ Medicus,

M. Guido-Andreas GARNIER, in Insulis Gadalupsiæ & aliis adjacentibus Consiliarius Regis Medicus Primarius, nec-non in iisdem Pharmacopæorum & Nosocomiorum Inspector.

M. Theobaldus NIZON.

M. Eduardus - Francisus - Maria BOSQUILLON.
M. Ludovicus - Carolus - Henricus MACQUART.

M. Laurentius FERRET.

M. Carolus-Ludovicus VARNIER.

M. Joannes-Jacobus BELLETESTE, Antiquus Facultatis Decanus.

Proponebat Parisiis CLAUDIUS-FRANCISCUS DUCHANOY, Sequanus Saluberrimæ Facultatis Medicinæ Parisiënsis Baccalaureus, A. R. S. H. 1773. A SEXTA AD MERIDIEM.

Typis QUILLAU, Saluberrimæ Facultatis Typographi. 1773.